



## Ислом Нури

Шайх Холид Рошиднинг «Ахвалул горикийн»  
(Маъсиятлар уммонига чўкканларнинг ахволи)  
номли маърузаларидан олинди.  
Вадуд Ахмад таржимаси

Шайх шундай хикоя киладилар:

Залолат, гуноху маъсият тўлкинлари ичра окиб юрган бир йигит  
истикомат-хидоят йўлига тушди. Маъсиятлардан тўхтаб, Нажот  
кемасига минди...

Намоз ўқишни бошлади. Масжидга катнаб, кечалари Куръони карим  
тиловати ила машгул бўла бошлади...

Хидоят соясидаги хаёт лаззатини тотган йигит бир куни ўзининг собик  
дўстларини эслади... Улар хали ҳам маъсият ва гунох бухронлари ичра  
гарк бўлиб юришибди. Мусулмон дўстимиз уларни ҳам ўзи каби тавба  
ва нажот кемасига чикиб олишлари ва бу билан нажот топганлар  
карвонига етиб олишларини жуда истади...

Улар билан кўришмок учун йўл олди...

\*\*\*\*\*

Ушбу насихат Хак йўлга эндигина кайтган, тавба эшикларини  
эндигина коккан хар бир инсонга каратилгандир. Сиз, эй тавба қилган  
дўстим, эски жохил дўстларингизнинг олдига ёлғиз борманг. Уларни  
хидоятга чакиришда, албатта, сизга ёрдам берадиган бирор такводор  
биродарингиз билан боринг. Гохида кўпчиликнинг хамласи шижоатни  
хам сўндириб кўяди...



## Ислом Нури

\*\*\*\*\*

Йигит дўстларига хидоятни, иймонни илиниб борди... Лекин фосик дўстлар унга хар тарафдан таънаю маломат ўқларини ёғдира бошладилар...

«Ха кори ака, эсларидан чикиб колдими, ўзлари хам кечагина биз билан нималар килиб юрганлари!!»

«Эсингиздами, хув фалон кундаги юришларимиз, ёдингиздами фалон тунги ўтиришларимиз!!»...

Истехзолар, масхаралар, пичинг-кесатиклар, кулишлар...

Бу ишлар билан йигитнинг эски дардларини янгилай, энди битай деган яраларини яна кўчира бошлашди... Ундаги изтироблар янада ортди... Йигит уйига махзун холда кайтиб келди...

\*\*\*\*\*

Кунлардан бири мусулмон йигитнинг олдида «дўст»лари пайдо бўлиб колишди.

«Шу десанг, янги машина сотиб олиш учун фалон шахарга кетаётган эдик. Биз билан борсанг яхши бўлармиди!» дейишди. Йигит эса таажжубда... Улар яна давом этиб:

«Биз билан борсанг, бизни Исломга даъват килардинг, сафар намозлари кандай ўкилишини ўргатардинг. Биласан-ку, биз хали буларни яхши билмаймиз. Кейин, сафарда бизга имомлик килардинг» дейишди.



## Ислом Нури

\*\*\*\*\*

Бу сафар режаси йигитга ҳам ёкиб тушди. Нафси унга бу сафарни зийнатли килиб кўрсатди. У дўстлари билан бирга кетди. **Кани энди, бормасайди...**

Йўл юриб, кечга томон бир меҳмонхонага кўнишди. Йигитни хонада колдириб, ул-бул харид килиб келамиз деб кўчага чиқишди. Фосик дўстлар шаҳарни айланиб юришаркан, ўзларича турли режалар тузишар, маслахатлар килишарди. Уларни бу машъум режалари нима килиб бўлса-да, йигитни аввалги жаҳолат ва исён киргоқларига қайтариш эди. Наузибиллах мин залик!!!

Ўша куни улар тунни бошқа ерда айшу-ишрат, мусикаю кайфу-сафода ўтказишди. Йигит эса уларни хонада кутиб ётарди...

Эртаси куни бу фосиклар бир ярамас, фохиша аёлни топдилар. Унга агар йигит билан зино килишга, арок ичиришга муваффақ бўлса, хоҳлаган пулини беришларини айтиб, кўндиришди.

«Албатта кофир бўлган кимсалар мол-дунёларини Аллохнинг Йўлидан тўсиш учун ишлатурлар...» (Анфол:36)

Улар фохиша билан бирга меҳмонхонага қайтишгач, бир кўлига ичимликлар ва бир кулига мусика кассетлари билан магнитафўнни бериб, йигит ётган хонага киритиб юборишди. Арок аклни олувчи нарсаси, мусика эса зинога элтувчи восита...

Фохиша аёл мусулмон йигит билан ёлғиз колди... *«Агар бир эркак билан номаҳрам аёл хилватда ёлғиз колсалар, учинчилари шайтон бўлади»* (Хадиси шариф).



## Ислом Нури

Маккора фохиша унга тилёгламалик килиб, суйкала бошлади. Йигит ўзини четга олди. Секин-секин гапга солиб, бир амаллаб унга арок ичирди.. Сўнг яна....Сўнг яна... Сўнг эса энг дахшатлиси содир бўлди!!!... Аянчли лахзалар ўтди... Бу шармандаликка гувоҳ бўлаётган хона деворлари бу манзарадан уялиб ёрилиб, бузилай деди...

\*\*\*\*\*

Йигит фохишанинг кўйнида, тўшакда уйкуга кетди... Ялангоч... Гирт маст...Чарчаган.... Толиккан... Аллох сакласин!!!!

Тонг отди... Инсон киёфали «шайтон»лар пайдо бўлишди. Ниятига етган фожирлар эшикни такиллата бошлашди. Бутун мехмонхонани бошларига кўтариб шовкин солишар, баланд овозда бакириб, масхаралаб кулишарди. Эшикни фохиша очди...

У: «Ана ўртогинглар, мархамат кўришинглар мумкин» деди. Улар: «Нима гап! Нима янгилик?!..» деб сўрашди. У: «Хушxabар, хурсандчилик!!! Ана, хамма нарсани килди, арок хам ичди, маст хам бўлди, бирга хам бўлдик, кўнгилхушлик хам килдик. Мана тўшакда, кип-ялангоч холда ухлаб ётибди» дея тиржайди.

\*\*\*\*\*

Холларингга вой бўлсин, эй фосиклар! Аллохга осий бўлгани учун хурсанд бўляпсизларми, бир-бирларингизга хушxabар айтяпсизларми! Кеча намоз ўкиб, Куръон тиловат килиб юрган дўстларинг бугун шайтонга алданиб, арок ичиб, зино килиб, гунохга бурканиб ётганидан шодланяпсизларми, эй жохиллар!!!

\*\*\*\*\*



## Ислом Нури

Хонага бакир-чакир, кийкириклар билан кириб келишди... Йигит кўрпага ўралиб ётарди... Дўстлари уни туртиб, суртиб уйгота бошлашди. «Хой кори ака, туринг энди, бўлар энди маза килганингиз!!! Тураколсинлар энди, хазрат!!!» дея масхаралаб, уйгота бошлашди. Негадир йигит жавоб бермас, уйкудан турай демасди. «Туринг энди, кутиб колдик!!!». Йигит яна жим... Шунда улардан бири якинрок келди-да йигитни кимирлатиб, устидан кўрпани олиб ташлади...

Йигит эса кимир этмасди... Улар хайратланиб, уни ёнбошига агдардилар.... Не кўз билан кўришсинки... Йигит ўлиб ётарди.....

\*\*\*\*\*

Фожеага кулок тутинглар!! Намозхон дўстимиз арок ичиб, зино килиб, фохиша билан бир тўшакда уйкуга кетган!!

Шу кетганча бокий уйкуга кетган!! Тунда, маъсият ичида, тўшакда, энг ёмон хотима билан вафот топган!!...

«Инна лиллахи ва инна илайхи рожиуун!!!...»

Эй Аллох! Ахир дўстлари намоз ўқишни, Куръон тиловат килишни истамаганмидилар ахир!

Йигит уларнинг олдига улар учун хидоятни, иймонни истаб келмаганмиди ахир! Шуниси аникки, у «дўстлар» уни Аллохнинг йўлидан оздириш учун вақтларини ва молларини сарф этдилар. Энди ўша дўстлар уни Аллохдан, Унинг азобидан саклаб колармикинлар! Канака дўстлар бўлди улар!!!!



## Ислом Нури

Аллох таоло кандай хам тўгри айтганки:

«(Эй Мухаммад саллаллоху алайхи ва саллам) Сиз (маълум) вақтгача уларни ўз гафлатларида колдиринг! Улар Биз уларга бераётган мол-давлат ва болаларни ўзлари учун яхшиликларни тезлатишимиз деб ўйлайдиларми! Йўқ, улар (буни гафлатлари янада зиёда бўлиши учун қилинаётганини) сезмайдилар.» (Муъминун:54-56)

Бошка оятда:

«(Эй Мухаммад саллаллоху алайхи ва саллам) хабар берингчи, агар Биз уларни (узок) йиллар (сихат-саломатлик, мол-давлат билан) фойдалантурсак-да, сўнгра уларга ваъда қилинган нарсалари (яъни, азоб) келса, (ўша пайт) уларга (хаёти дунёда) фойдаланган нарсалари аскотурми!!» (Шуаро: 205-207).

Ва саллаллоху ала набиййина Мухаммад ва ала олихи ва сахбихи ва саллам.